

The Electronic Manipulus florum

www.manipulusflorum.com

Studium ai cum fonte primo

Vitam in peregrinatione agentibus hoc euenit ut multa hospicia habeant, nullas amicitias. Idem accidit hiis qui nullius se ingenio familiariter applicant, sed omnia cursim et properantes transeunt. Non prodest cibus qui statim sumptus emittitur. Nichil ita sanitatem impedit sicut remediorum crebra mutacio.

Non conualescit planta que sepe transfertur; nichil tam utile est quod in transitu prosit.

Sed modo, inquis, hunc librum euoluere uolo, modo istum. Fastidientis stomachi est multa degustare; que ubi uaria sunt et diuersa, inquinant non alunt.

Cum igitur multa percurrearis, unum excerpe quod illa die concoquas.

Seneca ibidem (II. epistola).

Vitam in peregrinatione exigentibus hoc euenit, ut multa hospicia habeant, nullas amicitias; idem accidit necesse est iis qui nullius se ingenio familiariter applicant sed omnia cursim

et properantes transmittunt. Non prodest cibus nec corpori accedit qui statim sumptus emittitur; nihil aequae sanitatem impedit quam remediorum crebra mutatio; non venit vulnus ad cicatricem in quo medicamenta temptantur; non conualescit planta quae saepe transfertur; nihil tam utile est ut in transitu prosit. Distingit librorum multitudo; itaque cum legere non possis quantum habueris, satis est habere quantum legas.

'Sed modo' inquis 'hunc librum euoluere uolo, modo illum.' Fastidientis stomachi est multa degustare; quae ubi varia sunt et diuersa, inquinant non alunt. Probatos itaque semper lege, et si quando ad alios deverti libuerit, ad priores redi. Aliquid cotidie aduersus paupertatem, aliquid aduersus mortem auxili compara, nec minus aduersus ceteras pestes; et cum multa percurrearis, unum excerpe quod illo die concoquas.

Lucius Annaeus Seneca, *Ad Lucilium epistulae morales*, 2, 2-5 (L. Reynolds ed., vol.1, pp.2-3, ll.25-27, 1-15).